



SLUŽBENI GLASNIK OPĆINE ŽIVINICE

GODINA LIII

04. AVGUST 2017. GODINE

BROJ 13



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE

Tel.: ++387 35 743 392 - fax: ++387 35 743 393

Broj: 10-05-5002/2017
Dana, 02.08.2017. godine

Na osnovu člana 13. Zakona o principima lokalne samouprave (Sl. novine F BiH, br. 49/06) i člana 24. Statuta općine Živinice (“Sl. glasnik općine Živinice”, br. 4/12), Općinsko vijeće Živinice na sjednici održanoj dana 02.8. 2017. godine, d a j e

S A G L A S N O S T

I

Daje se Saglasnost na Kalkulaciju cijena usluga odvoza i deponovanja komunalnog otpada, br. 4233-04/17 od 07.07.2017. godine.

II

Saglasnost objaviti u “Službenom glasniku općine Živinice”.

PREDSJEDAVAJUĆI
OPĆINSKOG VIJEĆA

Hamdija Numanović,s.r.



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ŽIVINICE
OPĆINSKO VIJEĆE

Tel.: ++387 35 743 392 - fax: ++387 35 743 393

Broj: 10-05-5002-1/2017

Dana, 03.8.2017. godine

Na osnovu člana 24. Statuta općine Živinice ("Sl. glasnik općine Živinice", br. 4/12) i člana 103. Poslovnika o radu Općinskog vijeća Živinice („Sl. glasnik općine Živinice”, br. 3/2017), Općinsko vijeće Živinice na sjednici održanoj dana 02.8.2017. godine, u povodu razmatranja tačke dnevnog reda - Saglasnost na kalkulaciju cijena usluga odvoza i deponovanja komunalnog otpada, br. 4233-04/17 od 07.07.2017. godine, d o n o s i

ZAKLJUČKE

I

1. Da se što hitnije i najkasnije do ponedjeljka 07. avgusta 2017. godine izvrši čišćenje i odvoz smeća od strane firmi koje su prikupljale i deponovale otpad u bazi Ciljuge. Za realizaciju ovog zaključka zadužuje se Općinski načelnik i šef Službe za inspekcijske poslove općine Živinice.
2. Zadužuje se Općinski načelnik da iz sredstava namijenjenih za izgradnju puta za deponiju "Eko-sep" koji nije realizovan izvrši izmirenje razlike sredstava nastalih odvozom otpada na deponiju Crni vrh i Doboj prema fakturi JKP "Komunalno" dd Živinice.
3. Zadužuje se Općinski načelnik i Služba za inspekcijske poslove u općini Živinice da objavi javni poziv građanstvu općine Živinice da ih upozna da je došlo do usklađivanja cijena odvoza komunalnog otpada na području općine Živinice i da su građani - nosioci domaćinstava dužni da potpišu ugovor sa operaterima odvoza komunalnog otpada na području općine Živinice najkasnije do 30. septembra.
4. Zadužuje se Općinski načelnik i nadležna općinska služba da se pripremi rejonski plan za područje općine Živinice odvoza komunalnog otpada prema područjima i operaterima.
5. Daje se Saglasnost na kalkulaciju cijena usluga odvoza i deponovanja komunalnog otpada, br. 4233-04/17 od 07.07.2017. godine.

II

Zaključke objaviti u „Službenom glasniku općine Živinice”.

PREDSJEDAVAJUĆI
OPĆINSKOG VIJEĆA

Hamdija Numanović,s.r.

JKP „KOMUNALNO“ D.D. Živinice, Prva ulica 190 Živinice
ID: 4209436530006, PDV: 209436530006, tel: 035/774-569, fax: 035/774-473
e-mail: komunalno_zivinice@yahoo.com

Broj: 4233-04/17

Dana: 07.07.2017. godine

**KALKULACIJA CIJENE USLUGA
ODVOZA I DEPONOVANJA KOMUNALNOG OTPADA**

Živinice, juli 2017. godine

UVOD

Visinu cijene komunalne usluge na području Općine Živinice koju pruža JKP „Komunalno“ d.d. Živinice kao davalac komunalne usluge utvrđuje se u skladu sa Zakonom o komunalnim djelatnostima TK („Službene novine TK“, broj: 11/05).

Članom 21. Zakona o komunalnim djelatnostima Tuzlanskog kantona je propisano da visinu cijene i način plaćanja komunalne usluge određuje davalac komunalne usluge uz prethodnu saglasnost općinskog vijeća, na osnovu slijedećih elemenata:

- a) vrsta, obim i kvalitet komunalnih usluga utvrđenih standardima i normativima u skladu sa propisom općine,
- b) vrijednost sredstava angažovanih u pružanju usluga,
- c) obim i kvalitet uložene rada u obavljanju komunalnih usluga,
- d) visina materijalnih troškova u obavljanju komunalnih usluga, standardima i normativima utroška energije, materijalnih i drugih troškova ili planskim kalkulacijama,
- e) iznos za finansiranje gradnje komunalnih objekata, prema Programu gradnje komunalnih objekata,
- f) drugi elementi u zavisnosti od uslova na tržištu.

Zahtjev za saglasnost općinskog vijeća na cijenu komunalne usluge obavezno sadrži:

- vrstu komunalne usluge, način obračuna i plaćanja usluge,
- strukturu postojeće cijene komunalne usluge,
- predloženu novu cijenu usluge i njenu strukturu,
- postotak promjene cijene u odnosu na postojeću cijenu,
- razlozi za promjenu cijene sa detaljnim obrazloženjem i kalkulacijom,
- datum primjene nove cijene.

Cijena komunalne usluge može sadržavati i iznos za finansiranje gradnje objekata i uređaja komunalne infrastrukture na području ili za potrebe općine na kojemu se isporučuje komunalna usluga, u skladu sa investicionim programom gradnje objekata i uređaja komunalne infrastrukture, koji podnosi davalac komunalne usluge uz obezbijeđenu saglasnost općinskog vijeća.

Investicioni program iz prethodnog stava sadrži opis poslova sa procjenom troškova za gradnju pojedinih objekata i opreme i pregled finansijskih sredstava potrebnih za ostvarivanje investicionog programa, s naznakom izvora finansiranja.

Davalac komunalne usluge je obavezan izvijestiti općinsko vijeće o utrošku sredstava iz prethodnog stava.

Ukoliko se cijena usluge od strane općinskog vijeća utvrdi u manjem iznosu od stvarne cijene koštanja, razliku sredstava će nadoknaditi općina.

Članom 22. Zakona o komunalnim djelatnostima Tuzlanskog kantona je propisano da je obveznik plaćanja cijene komunalne usluge za pruženu uslugu vlasnik nekretnine ili korisnik kada

je to vlasnik ugovorom prenio na korisnika.

I UVOD U ANALIZU

Poslove komunalne infrastrukture iz oblasti vodosnadbijevanja, prikupljanja otpadnih voda, prikupljanja odvoza i deponovanja kućnog i industrijskog otpada na prostoru općine Živinice obavlja JKP „Komunalno“ d.d. Živinice kao davalac komunalne usluge. JKP „Komunalno“ d.d. Živinice je organizovano kao dioničko društvo u mješovitoj svojini pri čemu je učešće općinske imovine 51 %, a privatne imovine 49 %.

JKP „Komunalno“ d.d. Živinice je do početka 2017. godine odlagao komunalni otpad na deponiju u Višći. Nakon zabrane odlaganja komunalnog otpada na depniji u Višći JKP „Komunalno“ d.d. Živinice kao davalac usluge je odlaganje i deponovanje otpada vršio na Regionalnoj deponiji u Zvorniku i Regionalnoj deponiji u Doboju.

II ORGANIZACIJA PREDUZEĆA I OSNOVNI TENIČKO-TEHNOLOŠKI POKAZATELJI

JKP „Komunalno“ d.d. Živinice je organizovano kao jedna organizaciona jedinica, samo formalno egzistiraju slijedeće radne jedinice:

- Radna jedinica za održavanje vodovodnog i kanalizacionog sistema,
- Radna jedinica za održavanje higijene, prikupljanje i odvoz komunalnog otpada,
- Radna jedinica za pročišćavanje otpadnih voda.

Radna jedinica za održavanje higijene, prikupljanje i odvoz komunalnog otpada, svoje poslove obavlja najvećim dijelom kroz poslove prikupljanja, odvoza i deponovanja kućnog otpada i industrijskog otpada, uređenja javnih saobraćajnih i zelenih površina na području Općine Živinice.

Struktura zaposlenih prema kvalifikaciji je pokazana u tabeli kako slijedi :

Kvalifikacija	Broj izvršilaca na dan 31.12. 2016. godine
VSS	12
VŠS	2
VKV	8
SSS	13
KV	19
NK	19
Ukupno	73

Na dan 31.12.2016. godine JKP „Komunalno“ d.d. Živinice ima ukupno 73 radnika.

U Radnoj jedinici za održavanje higijene, prikupljanje i odvoz komunalnog otpada radi ukupno 22 radnika.

III PREGLED TROŠKOVA

Pregled troškova uključuju troškovi za nabavku goriva i maziva, održavanje transportnih sredstava (rezervni dijelovi za vozila, registracija vozila, auto gume), bruto plate radnika (plate, topli obrok, prevoz), troškovi amortizacije vozila, nabavka i popravka stalnih sredstava (oprema za prikupljanje komunalnog otpada, kante, kontejneri), sredstva zaštite na radu, deponovanje komunalnog otpada na Regionalnim deponijama.

Pregled troškova u 2016. godini je predstavljen u Tabeli broj 1.

Tabela broj: 1

Naziv troška	2016. godina
Gorivo i mazivo	87.403,84
Održavanje transportnih sredstava	50.421,89
Bruto plate radnika	390.476,57
Troškovi amortizacije vozila	123.975,12
Nabavka i popravka stalnih sredstava	42.431,35
Sredstva zaštite na radu	6.660,03
UKUPNO	701.368,80

Pregled troškova predstavljen u Tabeli broj 1. odnosi se na 2016. godinu u kojoj je komunalni otpad davalac komunalne usluge odvezio i deponovao na deponiji u Višći.

Imajući u vidu da je početkom 2017. godine zabranjeno odlaganje komunalnog otpada na deponiji u Višći, davalac komunalne usluge je, radi održavanja higijene u gradu, morao prikupljeni komunalni otpad odvoziti i deponovati na Regionalnim deponijama u Zvorniku i Doboju, što je prouzrokovalo povećanu potrošnju goriva u odnosu na isti period 2016. godine, te troškove odlaganja i deponovanja komunalnog otpada koje u 2016. godini davalac komunalnih usluga uopšte nije imao.

Troškovi odvoza i deponovanja komunalnog otpada na Regionalne deponije u Zvorniku i Doboju u prvoj polovini 2017. godine predstavljeni su u Tabeli broj 2.

Pregled troškova u prvoj polovini 2017. godine, po stavkama, koje su povećane u odnosu na prvu polovinu 2016. godine je predstavljen u Tabeli broj 2.

Tabela broj: 2

Naziv troška	01.01.2016.-30.06.2016. godina	01.01.2017.-30.06.2017. godina
Gorivo i mazivo	40.858,95	67.824,27
Deponovanje i odlaganje komunalnog otpada na regionalnim deponijama	0	49.658,81
UKUPNO	40.858,95	117.483,08

Analizom prethodne dvije tabele može se zaključiti da troškovi odvoza i deponovanja komunalnog otpada koji se odnose na gorivo u periodu od 01.01.2016.-30.06.2016. godine iznose 40.858,95 KM, a troškovi odvoza i deponovanja komunalnog otpada koji se odnose na gorivo i troškove deponovanja i odlaganja komunalnog otpada u periodu 01.01.2017.-30.06.2017. godine iznose 117.483,08 KM, i veći su u odnosu na isti period 2016. godine za 76.624,13 KM.

Ukoliko bi JKP „Komunalno“ d.d. Živinice kao davalac komunalne usluge na ovakav način i pod ovakvim uslovima nastavio pružanje komunalne usluge, troškovi odvoza i deponovanja komunalnog otpada na godišnjem nivou iznosili bi cca 160.000,00 KM.

Imajući u vidu da su ukupni prihodi od pružanja komunalne usluge odvoza komunalnog otpada u 2016. godini po postojećoj cijeni ostvareni u iznosu od 367.658,00 KM, a cijeneći sve ukupne troškove predstavljene u Tabeli broj 1, može se zaključiti da nije realno očekivati da će davalac komunalne usluge moći pokriti osnovne troškove.

IV ANALIZA CIJENE KOMUNALNIH USLUGA

Vrsta komunalne usluge, način obračuna i plaćanja usluge

Vrsta komunalne usluge koja je predmet ove kalkulacije je sakupljanje i deponovanje komunalnog otpada.

Komunalna usluga će se obračunavati prema predloženoj kalkulaciji, u skladu sa cijenom koju prihvati Općinsko vijeće Živinice. Obračun će se vršiti mjesečno na osnovu čega će se korisnicima komunalnih usluga ispostaviti računi. Plaćanje će se vršiti po ispostavljenim računima žiralno ili gotovinski na blagajni davaoca usluga.

Struktura postojeće cijene komunalne usluge

Vrsta usluge	Kategorija korisnika	Jedinica mjere	Odobrena cijena	PDV 17% KM	Cijena sa PDV-om
Odvoz komunalnog otpada	Individualni stambeni objekti	Paušal	5,13	0,87	6,00
	Stanovi u kolektivnim stambenim zgradama	Paušal 1 član	2,40	0,40	2,80
	Stanovi u kolektivnim stambenim zgradama	Paušal 2 člana	3,60	0,61	4,20
	Stanovi u kolektivnim stambenim zgradama	Paušal	5,13	0,87	6,00

		3 člana i više			
	Hoteli, banke, robne kuće, organi uprave, pijace, zdravstvo, obrazovanje, kultura, sport, vjerski i humanitarni objekti, mesnice	Paušal	24,00	4,08	28,08
	Kafane, kafići, restorani, grilovi, buregdžinice, čevabdžinice, piljarnice, trgovinski objekti, pekare, slastičarnice i slično	Paušal	15,60	2,65	18,25
	Staklari, kamenoresci, limari, krojači, prodavnice obuće, tekstila, plastike, elektro i vodovodnog materijala, boja i lakova, bijele tehnike, knjižare, štamparije, zubari, prodavnice autodijelova, urari, fotografi, zlatari, parfimerije, videoteke, saloni zabave, advokatske, fotokopirnice, agencije, predstavništva i sl.	Paušal	9,61	1,64	11,25

Predložena nova cijena usluge i njena struktura, postotak promjene cijene u odnosu na postojeću cijenu

Vrsta usluge	Kategorija korisnika	Jedinica mjere	Odobrena cijena	Index povećanja	Iznos povećanja	Nova cijena	PDV 17% KM	Cijena sa PDV-om
Odvoz komunalnog otpada	Individualni stambeni objekti	Paušal	5,13	1,94	4,87	10,00	1,17	11,70
	Stanovi u kolektivnim stambenim zgradama	Paušal 1 član	2,40	1,94	2,27	4,67	0,79	5,46
	Stanovi u kolektivnim stambenim zgradama	Paušal 2 člana	3,00	1,94	2,82	5,82	0,99	6,81
	Stanovi u kolektivnim stambenim zgradama	Paušal 3 člana i više	4,27	1,94	4,01	8,28	1,41	9,69
	Hoteli, banke, robne kuće, organi uprave, pijace, zdravstvo, obrazovanje, kultura, sport, vjerski i humanitarni objekti, mesnice	Paušal	24,00	1,94	22,56	46,56	7,92	54,48
	Kafane, kafići, restorani, grilovi, buregdžinice, čevabdžinice, piljarnice, trgovinski objekti, pekare, slastičarnice i slično	Paušal	15,60	1,94	14,66	30,26	5,14	35,41
	Staklari, kamenoresci, limari, krojači, prodavnice obuće, tekstila, plastike, elektro i vodovodnog materijala, boja i lakova, bijele tehnike, knjižare, štamparije, zubari, prodavnice autodijelova, urari, fotografi, zlatari, parfimerije, videoteke, saloni zabave, advokatske,	Paušal	9,61	1,94	9,03	18,64	3,17	21,81

fotokopirnice, agencije, predstavništva i sl.								
--	--	--	--	--	--	--	--	--

Razlozi za promjenu cijene sa detaljnim obrazloženjem i kalkulacijom

Razlozi za promjenu cijene komunalne usluge odvoza i deponovanja komunalnog otpada proizilaze iz novonastale situacije zabrane odlaganja komunalnog otpada na deponiji u Višći, te povećanih troškova transporta i troškova odlaganja komunalnog otpada na Regionalnim deponijama u Doboju i Zvorniku, a što smo obrazložili u uvodnom dijelu ovog akta.

Datum primjene nove cijene

Nova predložena cijena komunalne usluge odvoza i deponovanja komunalnog otpada koju usvoji Općinsko vijeće Živinice početi će se primjenjivati od 01.08.2017. godine.

Zakonom o komunalnim djelatnostima Tuzlanskog kantona, tačnije članom 21. stav 6. je utvrđeno da ukoliko se cijena usluge od strane općinskog vijeća utvrdi u nižem iznosu od stvarne cijene koštanja, razliku sredstava će nadoknaditi Općina.

Živinice, 07.07.2017. godine.

DIREKTOR
JKP „Komunalno“ d.d. Živinice

Sead Mujanović, dipl.maš.ing.

„Službeni glasnik Općine Živinice“
broj: 13/2017

SADRŽAJ

I - AKTI OPĆINSKOG VIJEĆA

1. Saglasnost na Kalkulaciju cijena usluga odvoza i deponovanja komunalnog otpada br. 4233-04/17 od 07.07.2017. godine..... 2
2. Zaključci sa Vanredne sjednice Općinskog vijeća Živinice održane dana 02.08.2017. godine..... 3

II - OSTALI AKTI

3. Kalkulacija cijena usluga odvoza i deponovanja komunalnog otpada br. 4233-04/17 od 07.07.2017. godine..... 4

**“Službeni glasnik općine Živinice” uređuje: Stručna služba općinskog vijeća Živinice
Odgovorni urednik i lektori: Suad Avdagić, Nermina Mahmutbegović i Mersiha Zahirović
Tehnička priprema i štampa: Služba za opću upravu i društvene djelatnosti
Kontakt informacije: 035/743-392, ovijece@opcinazivinice.ba**